

沅
湘
耆
舊
集

沅湘耆舊集卷第九十四

新化鄧顯鶴湘臯編輯

長沙毛國翰青垣校訂

陶園詩老張九鉞

近體詩百四十六首

辰龍關二首

莊蹻開黔日揮戈首劈關遙通九姓部高壓五城山日避
重雷外風生半壁閒何人吹短笛更想馬征蠻

尚說滇氛阻重關擁毒虺一梯穿鳥上萬馬踏天來犍道

無餘險山花到處開百年威德盛慚乏勒銘才

自注關爲入滇要地

吳孽初阻險於此土人向姓導引王師緣關前鳥道繞

出關後發大勦擊之世瑤遁遂長驅入滇國朝因此設

重鎮馬

覺照寺

伐鼓巒峯裏丹梯暮色分薰風山果熟香雨石泉聞此地

曾戎馬何時化佛雲長松一萬樹空翠落氤氳

自注寺中松樹最勝

幾萬餘株

南中述古

巖國荒煙盡昆城繡壤羅海燔天上大日轉地中多九隄
趨金馬諸番散錦駝滇王藏不得收入漢山河

獨上禺同望寥寥一古臺山攢銅柱密水剗鐵橋開莊蹻
無餘險唐家未易才如何老諫議只爲碧雞來

百戰交州地提封益郡參誰憐同島服不得附邾邾玉斧

心原隘珠崖粟米甘三楊誇相業遺憾在安南

自注滇南喪敗率由

上官失職者導之
致有沙定洲之禍

南徼

南徼稱雄鎮連營十萬威蠻刀吹鬼髮洞錦作戎衣天仄
呼鷹急沙平散馬肥越裳今入貢慎勿弛兵機

雜興

落拓浮生事蒼茫此日遊海雲朝洗象山雨夜椎牛草檄
今安用囊琴世所羞男兒多紀載亦足當封侯

古有銀生郡雄奇更在南天橫榆水墨火壓雪山嵐神馬
終騰漢潛魚不出潭誰將詞賦手一爲訪張含

自注請石
屏州侍御

月
夜

高曉關謁楊忠介公祠二首

首撼天門哭身投瘴癘行疏狂誠可殺禁錮亦何名將帥
慚嚴武朝廷失賈生金雞飛不到閨婦淚縱橫

萬死蛇虺窟孤忠寇盜時酒傾蠻女被墨灑曩王旗古史
搜蒙詔新聲譜竹枝高嶠祠宇在老樹矗豐碑

自注先生
敘南詔本

末成滇
載一書

焦溪曉雪

惡嶺逼寒雪征橈攬曉眠亂杉低墮水孤店寂生煙夢破
還家日春鷺作客年何如狂賈島只欲祭詩篇

玉屏縣

萬里豪遊客歸帆漸指東臘消灘響外春入燒痕中伐鼓
臨三部橫刀下九隆從軍非往事笑對一燈紅

自注是日
詩南

衡山城下懷聶二環溪曉嶽山房

環城數十峯吾愛曉霞濃昔日醉歌夜開門雪萬重子今
讀書處知在幾芙蓉無語打帆去空聞江上鐘

過回子營四首

聖德如天大游魂貸汝曹一營安婦子八部隸弓刀
穉布筠冲產朱提內府操終須勤飲食不必憶葡萄

寶帶麒麟服瑀弓錦繡鞍由來馴象易差比沐猴冠
勢面吾安用丹心汝豈難藁街昨夜望久已斬樓蘭

巷過銅街轉樓高禁籞依風雷開地闊日月近天威
萬隊皆貔虎微生一強蟻花門畱有策始信杜陵非

帳列仍回鵲郊閒但射雕能如金日碑亦比霍嫫姚羊粟
從安尉繩橋盡入朝兩階有干羽相率聽簫韶

馬斃瘞之口占

炎風山石碎一蹶豈周防已分從人後甯甘棄道傍敝帷
聊汝覆春草爲誰長說與千金骨燕臺價正良

山陰蔣生自伴城同行至潘村別之濟南

山色一千里與君行在茲今朝山盡處正是別君時柳色
長河暗鶯聲細雨吹吾生無定住儻有鵲湖期

三叉河

積雪走湯湯安陽又曲陽三春纔見草兩岸未垂楊日失
中流白風催大野黃旣從思禹績躋藻意何長

自注河爲
潁恆二水

台滿

鄧以里

未市黃ノ 有先開碣石宮天將興霸業氣已召英雄喬木
餘殘草荒碑倒朔風先生眞拜獻不與自媒同

登濟寧州太白樓

獨以一尊酒來登太白樓桃花飛不散汶水至今流誰解
金龜帶還披紫綺裘門前東越路吾亦具扁舟

自注乙丑
子南旋過

此有
詩

秋日登玉笥山絕頂六首

積雨洗天地秋清萬壑寒江湖隨鳥上鐘鼓與梯盤躋勝
憑筋力凌空借羽翰致身須福地說與下方看

路盡三霄上，牕窺五嶺中。山川雜神怪，日月轉鴻濛。欲喚
杜曇永來尋，駱法通青裙。無計著慚愧，坐松風。
地肺，縛羅浮。仙人揖石樓。雲霞金榜字，風雨赤松秋。仙窟
存塵世，炎洲想壯遊。幾時曾夢到，隔澗問青牛。

地闢丹砂井，神扶白玉梁。雷公朝守籙，龍女夜焚香。石色
迷秦代，天風送武皇。樊桐如可接，今古信翱翔。

襖被何峯宿，虛壇鬱柏陰。丹爐初伏火，沆瀣欲流襟。星挂
空天大，雲眠衆壑沈。琅玕三百樹，一一鳳鸞音。

雲母春爲飯，黃精餌作盤。乾坤羞吏隱，歲月問仙官。妻子
何能割，雲霄再到難。晨芝和露採，歸奉老親餐。
自注：山有
七十二峯。

七洞六百二十
四壘皆適奇觀

爲苦竹灘是陳武帝戰歐陽頠處

久作浮雲看誰憐行役催江清黃葉下人定白鷗來舊事
消街鼓空天落酒杯漁鑑經百戰猶帶亂星回

自注苦竹灘歌子撰

十景中之一

伏波將軍祠

自注在鐮嶺絕壁

凜凜伏波祠孤懸絕壁危地開秦斧鑿天挂漢旌旗將近
飛鳶渚如聞下瀨師誰歌武溪曲風雨夜迷離

由分水塘行至興安縣

絕頂瀟湘水分蟠雙白龍飛來陽海石流下越城峯旂影
秋霞半人家翠壁重今宵如明月應聽嶠南鐘

逢西隆州朱錄事青雷卽別

肝膽中年盡材名大帥知微官懸瘴郡入口寄京師事業
昏如此壺觴欲對誰只須驅馬去吾亦掉船旗

西南驛對月

一夜西南月催人思故鄉海高星斗大天盡水雲荒誰送
靈娥藥徒勞織女裳昨河流夢下又到尉陀岡

襄陽樂爲江生作

嫁得大隄郎長帆鐵鹿槽小兒歌白紵少婦織流黃海口
明開鏡吳花豔綴瓊橫江風浪惡何不住襄陽

望大洪山遙拜楊忠烈公墓

嵐飛瀟水遙見大洪山日月兩宮上風雷一疏間麒麟
能食鐵敢當關今代馨香在應回地下顏

曉渡淮水

蒼蒼不知極，雞聲楚北門。
長淮下曉月，秋氣生中原。
生事艱難老，憂端歲序繁。
凡材祇如此，驅馬復何言。

渡河晴望

一曲流千里，河流接杳冥。
天浮關樹下，秋入海門青。
底柱思神禹，仙槎問客星。
陸渾花正好，吾欲叩巖扃。

始興署中

邑以郡名古，吏當初試閒。
階前墨君水，城上謝公山。
腰笏勞生習，芻蕘瘠地艱。
扶桑三雨樹，還照讀書顏。

伏波巖

自注有
試劍石

漢將一痕劍，鑿天萬仞巖。
半江沈紫翠，絕壁倒松杉。
古洞

穿城出斜陽入寺銜凌風吾欲上長嘯攬征衫

下雙牌峽

魯聲輒何急天石望模糊白日匿不到蒼雲生欲無松花
半江漲茄色一春枯還似英州道月斜聞鷓鴣

望青原山

落日在樵門歸雲沒雨痕江深明白鳥天古浸青猿老悟
三生幻閒耽五笑言名山一相識更欲訪仙源

旌德寓館臥病

天地餘生在寥寥且讀書故人將藥餌野客贈溪魚花小
當心澹牕斜引月虛向平五嶽興夢裏欲何如

皖江適中憶桐城亡友許嘯斗

鳩茲臥不得忽傍腕公行身世病俱澹江湖秋又生中年
乾友淚垂老惜詩名入夜聞鄰笛從頭記一聲

潯陽汀上遙寄

嵐五老峯下

何事挂帆席行行吳楚間知君不得意高臥匡廬山頭白
讀書處寄言休早還猶將大江月飛照落星灣

道士泐

新秋秀不極冉冉下篷牕山急迴全楚雲空放大江潛蚪
依寺穩老鶴鬪風降一必元真子將思理釣艖

晦日夜坐

空山闊無門銀漢壓孤星轉地多影露流天有聲一家
爲客散一感入秋木道栖烏穩何緣繞樹鳴

自注時客
陵川入

亥月

下羊腸坂二首

羊腸何詰曲南下亦艱哉身駭風衝墮梯愁雪滑摧迅鷹

收翼失嘯馬惜蹶哀誰鑿千年險吾思光祿才

自注白禿子城至高

平石路百餘里皆

澤州王光祿瓊修

劍戟攢空銳干峯拂足過地中拜白日天半走黃河落木

參差見平晴次第多苦寒行不賦客興未蹉跎

自注魏武帝苦寒行

羊腸坂諱屈卑輪爲之摧

渡伊水主簿氏古縣

野色清明後長煙曉引林古城當嶽路伊水下郊郭

涼初起春山澹欲沈漢家仙館近濃樾轉幽禽

自注嵩山下有大次

人於蜀中張華
曰此仙館也

府店口號示兒世津

春露洗猴山人家金碧閒桃花三十里直上轅轅關遊事
資餘勇風光慰老顏明晨雲母井攜汝一齊攀

洛中秋日雜興四首

風雨出函關秋聲兩郊山孤蹤天地外百感歲時閒尋戶
寒蛩入依林倦息逸黃金飄散久不感壯夫顏

萬里豪遊客衰年何故人吳公方在洛景略未之秦河嶽
雄詩膽乾坤縱病身此中多古意差可慰羈貧

自注故人謂劉淑庵

策杖邛垂望商風浩浩開孤雕盤日上萬
踏秋來天靜

烽無言

自注時逆

時平角不哀登樓休作賦久薄仲宣才

萬古胸懷瀉秋風走大河卽龍西折處砥柱鬱嵯峨白日
嬉幽鬼中天踏如鼉吾將收灑氣旋轉入詩歌

詩人

河墓 有序

無尚名

以字等直隸人康熙年間游洛遂居焉寮

於詩不蹈襲前人破屋三間采藿自給無妻子汪舟次

太守贈以金不受歿之日以詩集付其友劉洙孫扶蒼

曰此卽吾嗣也一人葬之北邙山題曰詩人尙無尙墓

太守金誰卻羈民道自尊廬全如破屋賈島卽吟魂窅冥

歸天地詩篇作子孫來澆一杯酒寂寞北邙原

自注廬賈
二君首范

陽人客洛者
故以爲比

東站謁少陵先生祠二首 有引

東站卽公康水故里公兒時拾文石篆於此見公集中

詩

才人不野死精爽故山阿春雪洗嵩室白雲流大河兩京
收涕淚萬古獨詩歌祠柏清風起蕭蕭夕照多

聞道首陽墓風沙白草荒誰尋文石篆更問土婁莊自注

邱山下土婁村有公墓在當陽侯預墓側我是湘潭客家依舊草堂天涯久飄

泊再拜淚霑裳自注吾邑岸花亭鑿石浦有公草堂

湘口聞笛

猿嘯山雨歇月上青楓林一夜聞橫笛那知湘口深離憂
在中歲獨往少瑤音應有蒼龍起休爲入破吟

望梓山戲簡劉藜堂明府

自注梓山

陵陽子
曾遊此

李白騎鯨去宣州山自妍使君放衙罷翠色擁高眠我憶
陵陽子飛鳧在遠天如何古縣令一半是神仙

自注陵陽
子曾爲陵

陽

松巖寺

經旬始見松巖寺松色綠門寒可憐經典漸於邈葉近佛
光盡受白雲綠老夫坐竹飽香飯童子穿藤尋澗泉錦雞
叫罷銀鷹跳似識浮生小憩年

庚戌橋有引

橋跨牂牁江上雍正庚戌鄂文端相國開新路時建
牂牁江走激奔湍伐石爲橋百尺安野老撫碑知歲月行

人下馬凭闌干火雲散壁紅柳熟香瘴過林翠羽寒一自
草臯開鑿後青天蜀道不知難

亦資孔驛

積霧漫漫出戍旗今宵行盡古羅施天搖絕徼星辰大月
下深山鼓角悲鄉夢已過重坎少客身更作亂雲垂行人
都說銀生郡爲問猿聲欲訴誰

海潮寺

雨歇蛇山送翠微寺煙遙對檣城飛回風入樹吹宮騎野
水添湖上客衣幕府承平人少事遐方消劫佛生威啞泉
舊客休相問暫酌甘泉坐石磯

金馬山望昆明池

羣山奔雨下昆州山壓昆池水倒流碧草連關浮白象黃
沙落日散旄牛徒聞戰伐餘殘壘豈有功勛必世侯磨盾
承平竟安用欲將生事托扁舟自注山在雲南府東山勢
逶迤縣巨數十里爲嶺南

地勝

昆明古意

漢家曾說兩司馬天遣昆州先後來西略何知文教急南
中從此彩雲開奇香異路誰爭得蒟醬葡萄枉帶回我到
五華樓上望幾時相見盛張才

咸和門外草芊芊中有豐碑漢子淵豈是山川愁使節恐
教天子遇神仙雲霞以相交章氣金碧祠荒禱祀年可惜
大夫能諫議宮中只誦洞簫篇

出北郭入玉案山路紀遊

客思寥寥不可收且憑載酒作狂遊
蟲沙駭詔消荒雨象馬山川入早秋
曉日桄榔初熟寺香風橄欖恰登樓
龍潭北去泉聲遠爲問眞源到上頭

銘竹寺

漢使南來會到否寺門銘竹尙雲齊
湖連香水浮銀象花落空山叫白雞
竟日聊爲塵外賞百年強半醉中題
藥苗松菌吾攜得又別鐘聲過澗西

高峽關遠眺

自注關據山頂俯瞰滇池峯巒峻拔

峯勢西迴海指東高峽關壓碧雞雄
三秋笳鼓傳天上九嶷雲山入掌中
伯仲武侯惟沐氏規模陀尉是南蒙
書生

豈有籌時策坐看邊樓月挂弓

菜海訪沐氏園亭故址二首

何年菜海通滇海海上秋波日日來
沐氏海莊今不見遊人還上海邊臺
太華霜落殘荷動絕塞風吹亂菰開
我亦無心爲惆悵烏撼撼下蒼苔

劫火燒殘簇錦樓勳臣世業片時休
紅顏死戰哀礪鬼鐵騎生亡笑故侯
從古貂璫能誤國此鄉寶玉亦崇讐
王師

一戰收滇海鷺鴨軍聲爲洗羞

自注崇禎中上官沙定洲
叛總兵官沐天波用小寶

遞母喪皆走
城北自焚死

將東歸示杞園

與子經年幕府居狂歌拓戟輿何如非關司馬倦爲客其

素江都思上書八旬河山縈夢盡九溪風雪近家初李生
頭白未歸去閒煞匡君舊日廬

襄城橋

自注前明巡撫王三善覆軍戰死於此

襄城橋上兩三家草肆蘆簾坐處斜嶺勢盤雲分百粵江
聲捲雪走三巴時平久洗蛇虺窟地險猶森虎豹牙大帥
失機前代事不堪憑眺一咨嗟

舟過焦山

海勢西來江蹴東三峯踴躍共爭雄乾坤盤踞青冥外神
鬼嬉娛世代中潮氣遙飛吳苑日鐘聲橫入澗州風乘空
欲上焦先宅安得仙人五彩虹

耒陽謁杜文貞公祠二首

疊嶂長灘捲白銀懸崖老樹壓修筠英雄濩落誣牛酒行
客淒涼奠藻蘋萬里朝廷終不到一方將帥是何人中興
稷契經綸在猶向荒江惜此身

遺墓何緣委夕陽樵夫指點話荒庸長懸光皎爲衡嶽可
葬騷人是楚湘異代羅含俱有宅生平李白亦他鄉惟餘
江海飄零者每過空祠淚幾行

昨聞二首

昨聞故里夢魂飛六月狂濤怒打圍天圻洞庭魚鼈大洲
橫殤鬼荻蘆稀湖湘元氣誰根本節帥分明有是非民命
西成關不細偏災時切 九重依

楚南天下甲豐饒自昔瘡痍不告剗今日

聖君臨便殿

早時惠詔下層霄隄防敢信隨民力甌脫終虞飽吏臬官
學小臣微祿竊感恩先灑涕迢遙

白下晤汪京門聞周雨峯以卓薦赴都歿良鄉李殷
相署中李爲經紀其喪歸徐州并致書海內同人致
賻感而賦此

客到秦淮忽罷歌故人消息竟如何功名短祚周公瑾生
死交情吳伯和江上青山飛夢盡鏐前白髮入宵多寄書
同下鱖鮓泣昨日枯魚已渡河

卽事二首寄施鐵加

關風伏雨壓簷聲寒意蕭蕭結滿城北望濃雲猶浩蕩南
來積潦正縱橫款關葉護晨趨帳進狩天師夜擁營聞道

羲和鞭白日急暄大野護龍旌

老樹傾堦浪湧渠相看脉脉意何如敢誇虞喜安天論空
讀江都繁露書舊雨無人塵滿榻太倉有米斗分儲晴來
好溯高梁水綠柳陰中共釣魚

聞西師大捷喜紀

新拜嫖姚西出師風雷百道捲焉耆但聞苜蓿騰天馬盡
與壺漿擁漢旗士飽敵糧輕轉戰人歌零雨定歸湖榮街
早使羣番懼不洗金刀斬郅支

良鄉道中觀西征陣亡將士骨殖歸函二首

鬼雄無數羽林郎馬上西風戰骨香此日姓名標錦楨嘗
時談笑向沙塢刀摧月竊秋雲紫鼓嘯天山落日黃死入

石長松二百圍如丁有才依幕府閒時載酒問斜暉段家
宮闕盡荒草莫令白露沾人衣

望羅浮六首

排風大翮傲天關百粵洪濛一氣環萬水東來浮絕島九

州南盡見名山璇房瑤室虛難問白犬丹雞去不還在

朱陵知地道短衣來往碧雲閒

自注衡嶽朱陵峯下水
簾洞有地道通羅浮山

四百靈君旌節開揖余金闕白銀臺天雞浩浩曰初浴神

鼓荒荒潮一來真誥祝融誰佐命青詞斗府好追陪散仙

老作江湖業鞭風答鷺未擬回

杜父顏因入世靈安期鳥爲避秦停誰教五百童男女盡

種三千老茯苓天地荒唐周甲子衣冠麗古漢圖經而今

耕稼無私地望裏虛看似畫屏

自注三十年來請峯巨竹奇樹爲種輩者伐盡悉墾

荒種粟僅存空寺觀山陰吳水雲欲畫羅浮勝地借毘陵趙雲松觀寮裏輝往遊索然而返至今遊者絕少惟遠望以領其勝而已

勾山一令來南海鮑守羅浮爲證盟豈有神仙緣好色何妨兒女有深情雙絲井汲蟾蜍液五色裙飄鳳子輕聞道半空飛燕起相將縹渺入瑤京

記得長鑿採藥閒竹籬茅舍石斑斑紅梅萬古一香水玉

女半窗雙綠鬢春酒何當遲客醉松風猶自避人關不知

多少金鷲笑煞花農老不還

自注余乙酉冬病玉笥山中夢至一地人曰此羅浮

玉女峯下也因自號羅浮花農有羅浮花農圖十年往來於此

辰州道士曾知我二客相邀凌紫霞山水至今遲白袷英

雄從古韻丹砂餐芝啞虎成何侶擣藥靈禽過別家惆悵

萬峯無一語重來端台問桃花

自注吹湘門遊羅浮主辰道士冲虛觀庚寅余來

廣州湘門約余與馮箕村往遊今道
注羽化湘門下世箕村亦老病矣

過豫章溝有感舊事懷新城陳釋堂比部余官南昌

時比部有捐濬豫章溝之役

十年溝水各西東重過湖壩感未窮槌石舟分垂柳碧津

橋騎拂落花紅閩渠天錫千金號散粟官慚一畚功猶記

沿隄燈火夜畫船簫鼓月明中

自注釋堂於閩口沿隄種柳戊子元夜懸燈數萬

蓋柳枝上值百花洲公譙大放煙
火夾岸星橋滿湖簫鼓太平盛事

荷鋤先爲義聲驅豪姓豳疇盡埽除

自注久踞舊溝恃怙威威阻撓公事者余

赫力懲治溝墜出金牛欲力士鞭來石虎認枯渠九津名
三乃克逞成

台葺丹續六水碑同杜預書今日雲司儻回首雪泥鴻爪
意何如

贈藥師院複亭上人

有序

師傅爲吾楚永州人某別駕公子習武事出入蜀中邊
塞嘗揮金救友於獄能挽強弩射十數虎一日棄妻子
落髮栽眉伏虎寺飛錫來豫章見藥師院爲馬祖道場
傾圮殆盡乃入居之闢荒田十餘畝躬耕自給不入城
市大修精舍一木一石皆出其手堆阜種竹號萬竹亭
今年八十餘猶能車水灌田又能濟人困急鄉民皆德
之余以勸災散賑數宿院中見其所吟詩皆瀟灑有致
尤工壁窠草書贈以七言二律師大喜書之於壁

誰能一口吸西汀
愁煞參禪舊老龐
夜宿千牛聞佛吼
朝攜半鉢咒龍降
炎塵赤腳翻車水
黑雨長鑊種竹椿
宰相十年成往事也
分爐芋倚秋牕

鄉閭不語姓名眞
公子狂夫想夙因
救獄黃金揮百笏
射番鐵弩挽千鈞
參來猛虎刀頭血
飛下峩眉雪頂身
今日簸箕相對坐
草書如斗尙驚人

自注師用馬廂所居簸箕中禪語署其齋曰簸箕

題山陰諸雷門行卷

帝子樓空地少靈
同來老大作浮萍
巷南巷北不相見
江雨江風何處醒
把卷寒花雙眼碧
閉門落葉一鐙青
晚交得子材眞健
日擬論文倒玉瓶

二十四橋

自注志載城內今指在城北非

二十四橋潮暗通朱欄繡舫落花中簫聲自古有明月酒
醒誰家多曉風城上烏唳嚴鑰啟灣頭人去遠書空竹西
一帶芙蓉水杜牧重來憾未窮

任寓圃兒訪寓齋卽別之濟南

積水茫茫天地秋子來何處繫扁舟共驚此會頭俱白休
說平生淚只流短卷夕陽愁裏路明湖衰柳夢邊樓貂裘
寶劍諸年少愧汝飄零一故侯

皖江周生以琴受知鄂文端相國相國捐館三十餘
年有於廣陵某宅見之予聞急訪已沂江歸矣感舊
賦此

忽聞有客話長安白髮蕭蕭戴鶻冠孫閣舊人猶我在廣

陵古散欲誰彈腕江夜雨歸帆急瓜步西風落葉寒垂老
病中知已淚不堪重向董庭蘭

仲二松嵐白來州來訪余僧舍

君作遊梁倦長卿余時臥病廣陵城寒冰尺鯉那能上出
谷早鶯新有聲萬事雲煙都過眼十年戎馬獨霑纓花前
痛飲莫辭醉明日黃河春草生

題唐南雷二將軍祠壁

有序

祠在旌德縣北三十里祀唐睢陽死難南霽雲雷萬春
二將軍

睢陽獨遏江淮勢巖邑猶留裨將祠山鬼鳴鐘奔士女行
人下馬見鬚眉蟠天黑雨溪蒸水埽壁炎風樹閃旗六矢

疑逢城上立一軍如滅賀蘭詩

敵血臺

自注梁程忠壯公靈洗誓衆討侯景處在石柱山

石柱擎天樹吼雷雲飛敵血有高臺

自注陳武帝號公雲飛將軍

萬夫

灑涕江湖湧一將援旗風雨來水過蕭梁嗚咽盡山從宜

歟畫圖開南荒保障如馮盎未必兒孫百代才

自注程姓至今蕃衍

昔公後裔

陵川述古八首

膺咎如境接吁辰潞國驅之若主臣兵甲常窺天下費誠

貪更與晉東鄰拜戎事比勤王急獲土功同繼霸論惟有

英雄隗氏女亡人忠難此昏姻

自注上黨春秋時赤狄各種所居陵川爲膺咎如地

銳頭豎子興師日奇正交攻倚太行秦嶺已教封餉道趙

人河以誤空倉星傾大昴愁雲擁鬼哭高臺落日黃欲訪

將軍堅壁地丹河西望水茫茫

自注邑東北秦嶺白起絕趙餉道處營防嶺廉頗屯

軍地丹河源出發鳩經高平境自西北而東南水色如丹

馬武城蟠百里危半空漢帝閃旌旗獨身長塹臨青嶺直

下三河壩赤眉急勢扼襟方得險老謀批卻更成奇陵川

豈是閒疆索一綫能摧十萬師

自注馬武巖在陵川東境漢光武出此黨破鄴郡由

此道

澤潞蛇虺豈易除衛公英算掌中攄乾河立寨防奔逸石

會移營快擣虛就食邢州誰自救長驅天井竟何如刊堦

係累真非策更讀淋漓杜牧書

自注李德裕徵王宰征昭義屯乾河破石會關皆在

南要隘陵川東

沅湘耆舊集卷第九十

柳

手

共城水峪鬱蒙茸新莽臺高伏九龍不有東萊王副使誰
搜巢穴殄元凶書生白刃長圍躍殺鬼金戈一嘯從此日

靈祠繁俎豆行人灑淚仰真容

白注明末九龍賊伏輝縣陵川開水峪村澤路副使

王肇生搗其穴擒之後十年公禦流賊於邑境到陣死裨將董時增甯朝鮮陳承業張承龍皆先後戰死副祀公祠

東南莽莽霧連山舊駐偏師五度關萬騎愁緣青壁上

夫坐制白雲閒草荒奪火聞羅吼湫裂黃園隔鳥還天險

外臨人內守太平請勿弛防閑

白注五度關奪火鎮首太行要害三晉安危所係今

斥候久虛聲援無藉騎旅書生付之紙上空談而已

雄風汨溢白陘吞路接朝歌入孟門鬼鑿羊腸盤隘立雷

驅蛟脣大河奔壺關久已消英氣少水從來有戰屯最喜

深心朱太守肯巡隘口置烽墩

白注澤州守朱公偉置陵川各隘口臺汛修補府志

純是籌
畫經濟

澤州西扼潞州東大脊橫騰四塞雄絕鎮

原本作

蟲沙書

戰壘百年虎豹失深叢太行豪傑三河首天下中堅上黨

同懷古按圖談腐兒能籌驅場有羣公

自注自澤至潞遠皆古上黨他陵川

居其中古稱以一面制中原
會聞有私議移偏營駐此者

案畢秋帆尙書沅跋云逆璣之變直窺陵川以爲
扼吭擄虛之詭計前事可鑒故揚言之當時如移
河北真駐陵川最得堵禦險道要兼移偏營議亦
未雨綢繆之計惜未有大帥爲贊成者入首前論
狄忠於弔長平未結以此中開凱切詳明包括史
事藉以抒其偉論又合地形兵法成此奇作老成
謀國別有深思一字一句皆非漫下
吾願守茲土者書一通以置座右也

漫成

關山難盡跡何依骨肉無多老未歸霜早蛩聲尋處少天

高雁陣到來稀愁生絕塞孤雲入夢渡黃河細雨飛惟有
讀書堪送日坐穿仍是舊鶉衣

夾寨城

前驅發矢出河東長壑蚰蜒一掃空盜賊敢蟠唐土地征
誅終仗晉英雄秋雲壓塞靈鼙吼夜火燒山鐵騎紅斬使
焚書眞將略至今草木起悲風

三垂岡

白草黃榆大帳開三垂岡勢鬱崔嵬無邊雁影盤天入未
了鴉軍捲地來落日荒陵誰奠斝西風老淚獨盈杯英雄
長送中原霧不掃朱梁不肯迴

自注莊宗救潞州行至三垂岡曰此先王買酒處也

夜乘霧攻夾寨城之

兒津自湘中省我晉南兼得淮潭兩兒出都之廣陵
消息

天南地北自飄飄淚滴萊衣兩鬢凋我望音書窮朔漠汝
尋杖履越峇堯松楸且喜林新長兒女仍慙計未饒欲返
故鄉須努力餘年誰厭事耕樵

懷蒲坂崔先生感賦

有序

蒲坂先生任大司成時余在成均謬荷國士之遇先生
下世四十餘年余客晉南適熊子東川自甘肅解餉歸
爲述蒲州河山之勝彌念舊恩悲愴有作

黃河潏沆岳崢嶸閒氣名賢昔挺生晉國九原思范會漢
家三舍重桓榮丹黃滿篋猶親授風雨連江獨慰行老矣

無成負知己，鏡前回首淚縱橫。

自注乙丑謁公江陰學使院慰勞倍至今四十年矣

登北樓望長平道

長平遙指數峯煙，碎石盤陀一綫連。
白雁斜通枯草路，黃羊橫散亂雲天。
臺消戈鏃山無鬼，血作桑麻地有年。
合與北樓陳正字，臨風把酒興蕭然。

登天井關二首

雄風吹上太行陁，石氣無邊谷杳冥。
井出半天迴日月，泉分絕壁走雷霆。
夢中煙樹三秦白，掌上河山九塞青。
老別并州一壺酒，旗亭醉倒不須醒。

寒鴉說盡幾興亡，鼓角聲斜報夕陽。
天下咽喉爭此地，雲中門戶鬱相望。
六龍負石開馳道，萬馬盤梯作戰場。
今日

太平無事險車牛服買卽康莊

任囂城 有序

城在城東南隅爲舊番禺縣治其壘闢在光孝寺前數十武今爲民居不可考

任尉經營何壯哉禺山曾此關蒿萊坐觀豪傑中原變早制蠻獍大郡間絕道長畱與霸計被書獨召出羣才可憐建德闢荒盡終古無人表墓臺

再過揚州孫玉峯程光含汪曲江皆下世楊劔溪亦客衡州有感而作仍寄劔溪

揚子湖生古渡頭笛聲淒切滿高樓故人問骨青山冷舊樹當門溝水流細雨橫風生白髮蹇驢破帽過揚州寄聲

七十二峯客今子何爲苦滯留

蔡芷衫邀登黃鶴樓同楊永思彭思贊

古今浩浩一元氣樓上司勳偶得之寒日照人老又上白
雲待子來何疑放歌楚國江山大送客揚州雨雪遲爲語
同遊少年者有才鸚鵡莫題辭

望元河南王擴廓故里在扶溝沈邱間

平章故里間驚疑骨葬黃沙乏短碑運去中原空轉戰天
留少主尙孤危生逃終抱龍髯痛死鬪甯令垂幕移誰是
英雄好男子臨朝明帝只嗟咨

睢州題店壁

椎琴而上自來羞滅刺懷中每慎投豈有不知王景略幾

曾求識韓荆州蹇驢倚郭飢空齧腐鼠當門嚇未休醉尉
狂呵君莫笑如何李廣欠封侯

大融山寄內

山深老狢號瘴急蕉花謝湘水自北流離人獨南下

送人還廣陵二首

扶桑花落碧雞愁人別昆明天上秋直下孤帆一萬里青
山流盡是揚州

千里黔山黛色低新禾瘴裏挂偏提客心只似天邊月一
路隨君下五溪

毛口

龍眼花開蛤蚧鳴早春夔道一人行盤江更不將愁去萬

沙汀老有山
卷之十四
壑千巖鬱作聲

昭陵灘竹枝詞三首

昭山孤秀徹昭潭
南上昭陵水石參
石似檣蒲水金碧
澄明五色冠湖南

十里山門水淺深
棹歌欸乃短長吟
人生不作湘中客
誰識雲山韶濩音

昭陵灘上建寧鄉
城郭荒蕪半夕陽
只有桃花白開落
更無茅屋祭昭王

七月十五夜同潘五峯對月述太華之遊二首

聞君訪客上雲臺
絕頂蒲池弄月迴
今夜西風九千仞
城頭呼過一輪來

瑤臺浩蕩接天門北戒河山盡水痕仍在蓮花掌上坐中
懸玉女洗頭盆

白洋泉

自注泉在大行
山麓懷慶道中

太行長劍倚晴空天井飛閣下白虹十萬竹園清化路人
家都在水聲中

粵嶺三首 有引

嶺在登封西北卽今轅轅關自春秋以來爲戰守險隘
皇上省方所經今成坦道矣

十二盤開翠壁天南風吹霧捲飛懸黃河一角關門半回
首峭岫皆替煙

驟網盤筍轉重重小李將軍畫色濃久立洞前嵐翠合隔

近淮耆舊集

卷第九十四

五

山初打少林鐘

御道逶迤接紫庭
離離仙鳥至今聽
黃熊不用驚神鼓
天闕中原一綫青

沅湘耆舊集卷第九十四終

沅湘耆舊集卷第九十五

新化鄧顯鶴湘臯編輯

長沙毛國翰青垣校訂

歐陽御史正煥二首

正煥字堯章一字瑤岡號竹沅衡山人乾隆乙丑
進士改庶吉士授編修擢江南道御史歸主嶽麓
講席先生舉乾隆辛酉鄉試第一旣由編修居諫
垣有直聲將柄用矣以親老乞養歸卽不復出生
平講學自任治躬甚嚴苦其主講嶽麓時書整齊
嚴肅四大字嵌於講堂壁上爲韻語以示諸生可
作古箴銘讀也他詩不多見今止錄七絕二首

合江亭和江松泉韻

年來心跡付名山買得扁舟乞放閑上下湘流天一幕風
光應在草廬閒

望中亭榭鏡中山輪卻漁翁把釣閑那得朱陵僊洞藥歸
來烹向白雲閒

楊庶常瑋

三首

瑋字元音號玉池湘陰人乾隆乙丑進士改庶吉
士未授職卒元音以雍正壬子舉人官零陵教諭
有聲集未見

秋夜泊壘石

買得巴陵酒飛帆空際過乾坤足波浪今古老江河月到

湖心白秋來澤國多魚龍
檣外聽好句細吟哦

月夜舟過黃陵廟

帝子雲中空復期
九嶷如黛渺天涯
江波流盡千年憾
明月白鷗都不知

弔易忠節公

血指揮戈夜誓師
忘身志欲靖邊郵
何人首建捐交議
終古靈旗風雨悲

劉編修元熙十四首

元熙字賓門湘潭人
乾隆乙丑進士
改庶吉士授編修
有四香閣詩集
湘潭劉氏門才之盛
與諸張將賓門先生
殫見洽聞文章爾雅
爲乾隆朝名宿

以乞養歸不復出晚構別業與四方名流觴詠其中自號四香主人卒後著作散佚其孫芑汀大令貽孫與余同舉甲子鄉試官咸寧知縣往修楚寶時芑汀嘗欲編輯先生言行纂著見示俾得附載不果今芑汀往矣其所謂四香閣集者不可復得

茲從茶陵譚生景彭所得殘帙一爲亟存之

湘潭志元

熙歸里居久與兄元輝弟元燁友愛甚篤歲歉嘗出穀麥各數百億散給里中饑民又做行朱子社倉法綜理周密今湘潭金盤嶺碑頭市兩倉甲於諸社其所創也嘗大書偶語於倉門曰
荒之仁持籌者須爲國計鄉民自謀之食染指者必有天殃見者凜然
聖主備

乾隆戊辰

聖駕東巡躬詣闕里展謁孔林禮成恭紀

虞傳絲姒姬流失啟素王曠期理復合渺緒歸吾 皇心
非堯孔殊乘時道彌光感神距遺跡愛樹心難忘

首仁邁東輅迺歷防阜區優賢勤表式矧繫聖人居展臨
伸夙契降禮遵前模香煙續柴燎典與虞周殊

瞻表實虛契昭融殊日光儼然穆無言四字藹溫良移蹕
駐靈壤陞此松楸行穹輿昭有象壇圻列其旁一隅參兩
大元氣歸混茫

炎室蒙秦餘牢祀實天啟顯肅乃大昌彬彬稱盛美

一人期合德尙但因陳軌 御講忘宏峻塵露資末士周
覽勤俯詢衆跡紛神理文株偶然植棲靈固劫燬幽贊已
云然遺莖符昔旨

若榴再花二首

乾隆十六年辛未閏五月一旱五十日林槁溪流竭稻葉
蔥筒卷田泥龜甲拆萬木綠豔銷百花芳意歇奇哉此若
榴當茲忽再發燒空蠟炬明照眼火星列誰爲勤灌溉生
意自不絕可憐隴上人炙日汗流血日夕桔槔哀田苗猶
涸轍安得如榴花不雨還淳淳

髮白不再黑人死不再生四序無兩春一花無兩榮羨彼
若榴花旣謝復敷英及時乘夏氣再放先秋清如月有盈
虧當虧復轉盈如運有亨塞方塞頓還亨八公老化童淮
南倒屣迎安國死灰然終令獄吏驚神仙事近誕榮辱所
關輕若榴爾微植豈別儲真精人爲萬物靈悲感一時弁

攝山

爭雄應有高於此，絮秀寰中恐無比。
迢遞茅山湯水來，蘊藉於斯發妙理。
短筇扶我上山腰，衣裾落翠天風遙。
南齊徵士廬何在，白雲先生魂莫招。
由來高節等峻嶒，長與茲山名共稱。
雕鏤欲蒙真面目，嗟爾山靈或不勝。
環睇喬松與修竹，聳壑昂霄尙爾能。

賈太傅古井歌

賈傅祠前有古井，下澗如壺上如頸。
臨街傍宅千百年，蒼苔滿甃沈雲冷。
世閱滄桑井不移，津枯澗竭無窮期。
洛陽年少好才子，井渫不食我心悲。
漢文賢與成康比，夜半前席誠勤矣。
治安不問問鬼神，萬言不值一杯水。
湘流卻繞

長沙城轆轤一轉秋風生至今窾坎鞞鞞井中水如聽當年痛哭太息聲

梅垞大兄黔省賜環紀恩

感激無端涕淚潛仲升今日果生還皇仁匝地頻開網臣罪如山聽罰緩千里羈孤魂夢苦十年憂患鬢毛斑從今鍛羽重雕飾造物鑪錘異等閒

幾年憔悴脊令原急雪驚風各斷魂喜見趙宗真似鳳歸

來元亮尙餘園

自注兄子亨地入翰林援例請贖蒙恩釋歸

詩書孝友爲家政

歲月林泉是國恩到日應當修禊候流觴列坐待高論

次韻孟調兄紀恩述懷二首

海宇尊親極八蠻清時休歎命疏頑凍書漢室何當哭捧

璧秦庭豈意還白簡只今留價重南冠不慢笑官慳鴻冥
總荷生成德矯首邱樊戀九關

楚才誰不惜羅含休道嵇康七不堪歷盡冰霜餘健骨回
看歲月度驚驂新詩竊喜心猶壯舊事還期口絕談憑仗
桑榆收晚景可能同老白雲龕

次韻答孟調兄見示二首

有詔自天春浩蕩感恩無地淚瀾潛雁行久濫清華選鳳
子新添侍從班嘯月閒庭呼劍舞劍雲野圃帶詩刪惟餘
松菊新開徑別有煙霞不買山

莫信栽楊偏邁厄須知啖蔗漸回甘飛騰少日知難再薰
沐餘年莫厭三樂事尋常行處有浮雲變幻箇中語更誰

豪飲誇河朔或有餘光照斗南

曾象山光先

一首

光先字念茲號洞莊湘陰人乾隆乙丑進士歷官樂安信豐餘姚岷縣瑞安壽昌曾稽山陰象山知縣在象山最久尤有聲祀象山名宦

過易忠節墓下

十里松楸古青蒼拱墓門悲公無俗淚壽世有忠魂夕照明危碣迴風繞暮村南荒何足守遺憾及中原

陳鎮番夢麒

一首

夢麒字天石湘陰人乾隆戊辰進士官餘杭樂清知縣調鎮番權知狄道州所至有能聲

鄭匪石母斷指詩

從來節義繫吾儒，慷慨今聞女丈夫。
要向兩閒存正氣，判荆織指破羣愚。
精金百鍊光方出，美玉千磨潔不渝。
白首辛勤猶畫荻，時將詩禮授遺孤。

陳長壽天寵一首

天寵字綬，四靖州人。乾隆戊辰進士官四川長壽

縣知縣。

飛山紀遊

行行陟高岫，飛嶺何嶙峋。
不知天造勝，來自何山垠。
古洞砌白雲，蓮花披曉霧。
蒼柏挂晴煙，丹崖滴幽露。
竊據杳妖氛，糧屯幻烏米。
低徊鄒將軍，唯見殘碑倚左挹。
青蘿山前

接五老峯仰視碧落浮嵐翠紛蒙茸我思誠徽州大半猶
獐穴誰爲一掃開茲山信奇傑

徐教授名彙

一首

名彙字有常湘陰人乾隆辛未進士歷官新鄭知
縣改辰州寶慶府教授

賦歸

小試烹鮮事已疏操刀無術漫躊躇治隣東里漸遺愛歸
去南山有敝廬洛下虛持毛義檄釜中贏得史雲魚宦業
空澀休相問故我猶存滿篋書

羅鴻臚典

六首

典字微五號慎齋湘潭人乾隆辛未進士改庶吉

士授編修累官鴻臚寺少卿以母老乞歸養主講
嶽麓二十七年先生舉乾隆丁卯鄉試第一嘉慶
丁卯重赴鹿鳴宴明年卒壽九十祀鄉賢性嚴重
其勇退與瑤岡侍御畧同先生六經皆有纂述韻
語非所畱意偶存一二酬應之作亦清婉可誦

題雲驥莊拾遺草

日出秦樓聽曉時東方千騎怨歸遲
竟休花簞經秋覺拂地相簾有月知
久以通家聞淑德忽從殘篋見遺詩
瀛洲亦是傷心地更莫登樓悵別離

按雲驥莊遺草爲寧鄉黃夫人秦邦淑作見資江
耆舊集夫人爲天津知府立陸室虎瘻學博本驥
之母也

朗江書院西池觀荷次研北翁韻

不是紅香濯滿池栽培無力負臯比編成脫穎誰如許並
作生花筆亦宜謝句芙蓉君手出毛詩蒨葍我心知類來
莫算肩輿值月曉風清雨過時

辛酉夏五星池四德軒納涼次和陳卷山

消夏今番得舊鄉一灣深碧剪清湘佳辰值雨偏多興新
築無花亦自芳醉說菩提招淨侶風傳河廣憶浮航祇應
竹榻隨朋好執扇絺衣坐夕陽

送易南有祖祀之官南安

純孝先生眉髮青長安絡馬向南溟入雲高蓋迎征軼流
水離琴送驛亭滿地春風人似柳一塘芳草客如萍獨憐

潑墨供持贈竹葉梅花總性靈

次石球堂學使留題書院詩韻二首卽以送別

明月清風與士公山齋雲壑置身崇塵喧隔斷平沙外情
福甯連好日中覓句早梅緣昔有停車霜葉得今同兩番

題品皆椽筆第二人來寫不工

自注山中紅葉甚盛山麓有亭畢秋峒制軍名曰愛

晚紀以詩與學使皆以
廷對第一人及第也

老去橋虛號詠歸詩壇壯思力全微及門官冷能供酒策
杖身輕好振衣獨學雄篇貽我厚自注學使有
獨學廬稿說書初稿
證人稀嶺頭拜獄知神物那得來飛不去飛

原檢討夢元三首

夢元字體齋攸人乾隆甲戌進士改庶吉士授檢

討充三通館纂修性恬退早乞休林居二十年以著述自娛有构稿雙江別稿春江文集詩集學者稱體齋先生以古文名詩集未見聊存二首不足爲先生重也

書羅洋山人詩草

古今文藻歸何處先生不願以詩著羅洋一帙心腑輸芳名又以山人署山人寂寞今幾年世無伯樂爲誰御洞庭之水祝融峯乘風何不拂衣去先生謂此毋庸爲醉歌吾自行吾素君看謫仙與正酣世人那得知其故

宜興陳其年集列海內名士於集首吾家桃文先生名在焉因題二絕

雕龍才子沂淵源陽羨清華映島孫不是揚雄沈博後誰
歟載酒問吳門

一瓣香爲誰氏燒伯牙絃絕痛難銷司空山裏人何在五
色蓮花尙未雕

林檢討學易 一首

學易字象占號半霞衡山人乾隆甲戌進士改庶

吉士授檢討

遊南嶽曉自合江亭下放舟晚抵衡山縣和吳雲巖

韻

宇宙木寥澗山水自爲儔乾坤一俯仰到處足旁撻平生
五嶽興未覺冷如秋何乃几席閒兀然守一邱欣陪七騶

使清娛共勝遊雲山如有約風月憑君收曉發江亭櫂帆
隨汎汎鷗層巒當面出隱映綠波浮灣轉接青蔥氣象迴
不猶前峯巾紫來日腳在輕舟夕嵐橫縣郭遙空翠欲流
輕帆信所適已得此閒休明晨謁靈嶽蘋蘩庶可羞平生
看山意努力追前修

鄧密縣正琮 一首

正琮字宗玉益陽人乾隆甲戌進士河南密縣知
縣著有古山文集宗玉學問淹博才思浩瀚少以
洞庭賦見稱詩不甚工殆非所習也

溫陸軒山居

陸軒落落真國士別有山林愜素心繞徑自栽千个竹拂

牀時弄一聲琴羊裘尚苦星微犯鶴髦誰分月共斟任爾
樓頭紅杏開可能些子溷相侵

黃頴上道恩一首

道恩字朝望寧鄉人乾隆丁丑進士官安徽頴上
縣知縣

贈王九溪山長

談經虎觀歷羣儒歸隱身如鶴骨癭竹簡漫讐前代稿
田還約及時租山橋催曉曉鴨鵝野屋尋春聽鷓鴣
百年耽著述肯隨俗學賦三都

劉文恪權之

五首

權之字德輿號雲房長沙人乾隆庚辰進士改庶

吉士授編修歷官吏部兵部尚書協辦大學士以
事謫編修游至禮部尚書協辦大學士晉太子少
保經筵講官體仁閣大學士歸里食半俸卒諡文
恪祀鄉賢

經閣寺

高閣存遺址藏經不見經花飛何處座團散昔年金舊蹟
灰煙盡殘碑霜雪侵惟餘方丈室尚有古松陰

涇縣道中

綠影埋天地濛濛望不窮路隨青嶂合徑入碧雲通野鷺
棲煙白山花夾路紅衣衫疑暗溼出沒翠微中

過琴溪

聞說琴高鯉今過躍鯉溪奇峯含古秀小洞護靈樓採藥
來松下成丹去水西

原注今爲水西書院

何時歸鶴馭橋柱倩新題

自注居人時修溪橋

新葺嶽麓書院落成有泉出講堂前姚雪門學使題

曰文泉同人各賦詩以紀

小鑿新泉碧玉光談經擬上濯纓堂雲霞已煥芬楣色煙
水都分筆墨香不作垂虹千丈立卻規明鏡一匳張此中
自有蛟龍窟莫負清流共激揚

山腰白鶴古松前

原注山舊有百泉中以白鶴泉爲最

那及新齋石上泉恰

得文瀾歸藝圃肯教清綺伴行禪微漣欲動風生座虛白
無塵月在天一自羣公題詠後從來勝地託人賢

蔡典簿璨一首

璨字蘊之一字鑑屏益陽人乾隆辛巳進士官常德府衡州府教授內遷翰林院典簿不就鑑屏有文名成進士後不樂吏事乞授教官所至能盡職詩未見僅存一首酬應之作未足爲重輕也

羣玉書院詩贈陳明府三恪

西峯碧雲岑浮空籠疊巘雄秀歸芝巖情狀齊湧現裁裁羣玉山削立石萬片玲瓏復磊落石筍抽芳甸賢侯有遠畧對此闢書院香氣一城滿天葩鬱蔥禱清池沾水來蕩漾銀海眩冀登大雅堂鴈茲青華選山奇地逾靈品尊名不賤南土多秀士甯使奇獨擅賢侯載琴鶴到處春風扇

伊昔蒞清泉，嶽屏開生面。白沙與東洲，樓閣新遷轉。望嶽
亭空明，煙景朝昏變。蔚嶺最清嘉，遐矚晨曦綉。遙遙接翠
微，喁喁絃誦徧。卓哉樹人思，區畫有餘眷。合並看崢嶸，高
歌發英彥。

余檢討廷燦二十一首

廷燦字卿雯，一字存吾，長沙人。乾隆辛巳進士，改
庶吉士，授職檢討，充三通館纂修，尋以母老陳請
歸養，母歿哀毀甚，遂不復出。有存吾文集十六卷。
先生學有本原，其論天文律歷，句股徑圍之學，與
休寧戴氏東原往復辨難，具見存吾文集。主吾郡
東山書院，久與蘭柴翁善，唱酬極富，詩集無刊本。

故所存不多

雜詩

前輩羞雷同破空出筆力落紙生威稜隻字百夫特觸手
砭肌骨一讀心再惻我生後古人詞必合往則消息冥心
通形影巧相直文櫝裝緹巾矜貴重所得微聞笑者言故
紙中剽賊宋寶周客觀慚惡無顏色

蝸蟲黏壁枯驢踏路死拘緹誠可矜奮蹴亦何喜我欲
詰其端是非各一理蝸蟲笑驢驢胡然昧知止驢驢當風
嘶志常狂千里人各拘於身相對皆汝爾以此而易彼去
曾不尺咫所以賢達人遊心物之始

東髮歎羣書摩棟浩千萬細字數愈勞巧歷莫能算諦觀

隻字無堅冰相與泮下策用火攻空罄南山炭請陳插架
籤炯炯內自看履可以跡移珠豈以櫝換洞印古人心相
視一笑粲元珠象罔探故紙疑蠅鑽

聞家信

我行負神明如月闕未完本無積善慶再舉孫寡歡天刑
不汝宥墮地闕一官山妻懼餘殃報我淚闌干我聞咄自
解放懷漆園寬心遊形骸外冗贅何妨殘不見支離疏鼓
篋危轉安亦有唇全者利齒清琅玕開卷啞不鳴鎮日若
蟬寒吾家忠宣公名闕抱心丹死節就清水鼎鑊一身判
首領自刎毀其名轉不刊我姑竊其名名汝使省觀字汝
以補旃勗汝爲其難可能副我期不然便泥蟠好耕湘岸

田貫笠以爲冠或釣雲水曲刺船自引竿待汝供盤饌亦
得慶團圓

湘中詩

萬里芙蓉國風煙接道圖雲容連百粵江氣走三吳樓閣
仙人宅魚龍帝子都秋天一臨眺平楚正蒼蕪

爲導南條水鴻文洩麓山龍蛇歸大壑蝌蚪落人閒山鬼
千年泣泥橐一宿還煇煇明德遠曾未蝕苔斑

清遠沅湘地人倫翼左徒爭光日月志遺憾虎狼都穉子
謀偏用懷王注已孤沈江甘就死楚社竟誰扶

太傅長沙遠三年見阻撓君偏憑絳灌臣本薄蕭曹宣室
徒聞召吳公竟未褒三餘秋草宅人去獨尋芳

北海凌雲筆摩挲性所耽二張猶可折三絕更誰參
經唐代琳瑯照斗南深簷難蓋覆鱗甲露煙嵐

喬口銅官渚飄零出峽身孤舟老病客先帝拾遺臣
避盜

仍戎馬

自注子美避崔旰出蜀
來長沙又值臧玠亂

高歌有鬼神中原歸未得

花鳥友于親

大筆元和老連州遇召還高名尊斗極正氣感衡山
志業
皐夔並文章李杜閒湘西畱警句巖廣數追攀

一臥湖山外崢嶸歲月深功名蟬翼薄簡帙蠹魚侵
寮倒
三千首精誠一寸心古人前不見江上獨登臨

和答魯庵趙庫使

路難甘退鶴壯志委苓通失意無南北題名在下中世情

蘇東坡集卷第九十五
十一
翻覆雨奢願去來風澹泊無知己真如受檄弓

題廖孝廉詩卷

吾鄉文獻佚一卷古亭存種雪畱蕉蔭題篇賸墨痕蕭疏
眞勝侶收拾待諸孫耆舊長沙傳應添二老尊

尺五堂卽事六首

韋杜城南官屋牢數椽占得亦 恩叨一枝自稱鷓鴣小
大廈甯容燕雀高平世著書嗤買誼賢臣作頌謝王褒客
來閒話新秋雨平地能推萬斛艘

插架牙籤切屋梁秋吟支肘不成章鳴時興畧同燕鳥選
字難於辨柄采自古年華驚四十從今詩債亦尋常推書
撲筆閒騎馬牆角西山恰一當

敲門院吏促讎書隨分生涯是蠹魚塵淨犀簾花氣午露
凝仙掌鶴鳴初頭銜七字真堪冗落葉三秋掃更餘一卷
漸斷同一閨寂寥乍破子雲居

朝能真如馬脫銜琉璃市口曳輕衫洞庭書竊龍威老神
禹碑摹岫巉巖安得服膺擣磊落想當施手妙鑄鏡歸來
餘味胸中繞火急篝燈發篋函

楂楂雀喜簷喧繞好事頻來張與樊力挽強懷回退鷁聞
齊物論定風幡太倉隨分支升斗上界無心夢角根我輩
相逢眞草草高車幾處似雲屯

昨到封緘印半剝五千驛路報平安小人有母嘗傳語

帝德如天敢計官憶自牽裾淹茂月幾曾披腹貢琅玕沅

湘小築何年卜分學閒居作賦潘

黃河渡

黃河之水天上來予亦飄然勒馬回若使寸膠能止濁驚
看孤影倍生哀自旋面目真稊米難汰泥沙借酒杯歸去
湖溪聊濯足泛棹銀漢本天才

羅侍郎國俊

九首

國俊字賓初湘鄉人乾隆己卯進士改庶吉士授
編修累官禮部左侍郎有館課存餘集先生幼偕
諸兄讀書九峯山故自號九峯博通經籍兼精岐
黃之術性剛決遇事無所依回充國史館纂修
時執政有欲改易起居注舊例者上書爭之累數

百言事雖止而終銜之

睿廟親政始由詹事

府擢內閣學士旋授禮部右侍郎轉左侍郎嚮用
方隆遽以疾卒公不以詩鳴而出語清和平澹不
愧有道之言集未刊從其家鈔本選錄十餘首以
存其概

春闈

天氣麥苗近深衣宿老寒明鏡坐孤寂客意戀春闈眠鳥
爲驚起瑤琴時一彈古人不可作眞宰費雕鑿

孫白沙入關出示遼西草兼惠贈章時白沙謫戍臨
榆蓋四十年矣作此答之

世載遼西客朝來匹馬過相看如隔世所得是悲歌死戀

盧龍塞自注白沙入都後仍往返臨榆未即歸生懋學士波自注時余官資內閣學士

漣衣帶水歸去共青裝

北上周春田王政邀飲小西門酒樓

湘水西來曲曲環卸帆且得暫時閒柳花滿店春陰薄鶯語留人別意怪萬點落紅衣上雨一痕濃綠酒中山憑君無限殷勤意爛醉狂歌鼓棹還

赴繆紳浦舍人席途閒見人園中菊尚茂口號一律已過重陽一月餘黃花比我更粗疏豈標晚節矜時豔若貯清香引客車廿載緇塵雙鬢老漫天玉露小春初耐寒莫道無知已嶺上紅梅葉欲舒

題侍衛邢彥瞻觀弓箭小照彥瞻忠勇公之長孫也

臣鶴端應賦采蘋形弓旅矢見精神度從緩帶覘羊祜歌
叶投壺憶祭遵忠孝遞傳家澤遠公侯世際 國恩新英
姿颯爽歸圖畫畱取凌煙次第陳

大兄整旃得邀 封典敬書家信後

喜報琅函墨未晞心隨丹鳳向南飛七旬名滿黃金榜重
聲榮施白板屏誨我則師子由語有兄得似季長稀會看
杖履追隨處好話 金鑾對夕暉

熱河歸住馬圈用壁閒韻

偶許飛龍借馬騎馳驅皇路敢云疲蟬嘶高柳風初定螢
度疏櫺酒不辭衰朽長途添閱歷太平清宴到邊郵濡毫
旅館誰當識敢附詞臣扈從詩

六十初度枉謝蕪泉侍御贈詩次韻奉答

庸庸幸已佩金魚，敢謂生來命不如。
春甕喜嘗新釀酒，晴窗閒著養生書。
暗香月下梅魂返，碧玉階前柳眼舒。
無術補天慙好句，願言長接笑談餘。

題趙恭毅公世德詩冊兼呈味辛舍人

耳熟仁聲自幼年，迄今遺愛頌南天。
謁祠已副先人願，

自癸酉丙子間國俊等赴秋闈，大父中議公輒屬曰：爾等有中式者，宜拜謁趙公祠，以大父曾預修祠事也。修史

難將軼事傳，白注：前在史館與修公傳以所聞軼事無憑，未便撰入爲悞。德感胡神消

駭浪化孚苗，性靖烽煙甘棠繼，續伊誰是撫卷沈吟意，惘

然

張鎮遠世澤 三首

世澤字滙楚號悅亭湘潭人乾隆丙戌進士歷官
沅州府教授貴州鎮遠縣知縣

湘城晚眺

煙起孤城暮登臨倚夕曛湘流去不極雁影若爲羣天地
悲秋老關河人夢紛此生應有定搔首笑浮雲

許麗峯少尹招飲景星禪舍

爲有青山約移尊近水雲嵐光籠寺遠野色過橋分宮冷
尋幽趣僧閒話舊聞陶然成雅集歸路已斜曛

秋雨懷弟桐塢

廿載盼歸舟長途渺渺愁沅湘千里道風雨一庭秋往事
如蕉鹿浮名信水滙故園松菊好應待話清幽

鄧鴻臚文泮一首

文泮字筆山湘鄉人乾隆丙戌進士改庶吉士授

職檢討累官鴻臚寺卿

都門寄懷陳石渠

燕臺袞袞塵如海故園幾輩英髦在夢入漣江芳草春一
片停雲逸天外粉垣青鎖閱流光不見石渠侯十霜舊交
意氣若綿綆每聞里語縈中腸巖巖豪翰紛相逐手引芹
香快領握繫籍金閨亦偶然喬松終寄湘山麓百梅百雪
吐天葩月斧雲斤琢性華浣露微吟報長句漫論冰柱推
劉又青門宦轍真蠶縛矯首雲霞何落落酒酣斫劍會幾
何頭顱遽爾非疇昨猥承芳訊索遠音欲答空嗟才力薄

何時把袂洗緇塵
耦耕同訂他年約

劉遵義詔陞二首

詔陞字研齋衡山人
乾隆己丑進士授戶部主事
出爲山西潞安府知府
再補貴州遵義府知府
有佩韋堂草

煙霞峯懷李鄴侯

石磴雲封舊院寒
名山此日許盤桓
仙人久化塵中鶴
宰相還乘天上鸞
自是先生能造命
何勞衲子更分餐
殘牙籤
列架煙霞古愧殺迂儒未敢餐

孤桐百尺絕塵埃
糞火徒餘一切灰
界劃佛門分院落
自注

先生故居
今鄰佛寺
高明勝境獨亭臺
自注峯下
有高明亭
甫留瓜蔓將身隱

曾賦方員局已開泉石幽霞終不潤先生原是濟時才

劉糧儲文徵一首

文徵字淑庵武岡人乾隆己丑進士歷官河南糧儲道有荷池草

金龍山有序

山距余村居七八里許孤峯聳立遠望如文筆圓秀可愛以路僻人跡罕到乾隆戊寅春偶與同人攀蘿附葛而上因賦此請諸當事以山名補入州志

勝蹟遺前志孤峯占斗南書天椽筆立結霧豹文含倚石成僧宇披雲架佛龕高高從仰止幾輩識登探

沅湘耆舊集卷第九十五終